

## INFORMAZIONS UTILIS LA VISITE MEDICHE

CHESTE SCHEDE E FURNÌS INFORMAZIONS SU CEMÛT CHE SI PREPARISI AE VISITE MEDICHE.

PAR RIFERÎ IN MANIERE PRECISE OGNI SO DISTURP, AL PUES JESSI UTIL COMPIŁÂ UN SCHEME INDULÀ SCRIVI PAR OGNIDUN DI CHESCIJ:

- dulà che al è localizât;
- di cetant temp che al sofris di chest disturb;
- ogni trop temp che al comparis;
- cuant al salte fûr e trop che al dure;
- cun ce o cuant che al peiore e/o che al miore.

CHE AL INFORMI IL MIEDI DE SÔ STORIE. ALC CHE AL È SUCEDÛT IN PASSÂT AL PUES JESSI COLEGÂT AL PROBLEME DI CUMÒ:

- malatiis vudis in passât;
- intervents chirurgjics;
- malatiis di parincj prossims (pari, mari, fradis...);
- alergjiis e/o dietis particolârs.

CHE AL TEGNI UNE LISTE DES MEDISINIS CHE AL CJOL, COMPRENDÛTS I INTEGRADÔRS ALIMENTÂRS E I PRODOTS NATURÂI.

Par riferî in maniere precise chescj dâts, al pues jessi util tignî inzornât un diari dulà che al notarà dutis lis medisinis che al cjol, cuant e cemût che lis cjol (fâ riferiment al sfuei di informazions utilis: "Lis medisinis").

DOCUMENTS DI PUARTÂ CUN SE:

- document di identitât, tessare sanitarie, ricete/impegnative dal miedi, ricevute di paiament;
- letaris di dimission di ricovars precedents;
- referts di visitis e/o esams di laboratori, par esempi i esams dal sanc e des urinis;
- esams di radiologjie, par esempi lastris, TAC, risonancis magnetichis, ecografis;
- altris esams, par esempi colonscopiis, gastroscopiis, sintigrafiis;
- esams dal cœur, par esempi ECG, ecocardiografiis, provis di sfuarç;
- a liste des medisinis che al cjol.

CHE AL DOMANDI SIMPRI CHE I SCLARISSIN CHEL CHE NOL SA O CHE LU PREOCUPE:

- la cause dai siei disturbis;
- lis curis pussibilis;
- trop che a zovin chestis curis e i pericui pussibii;
- parcè che i vegnî prescrits altris esams.

### I RIPUARTÌN ESEMPLIS DI DOMANDIS CHE AL PODARÀ FÂI AL MIEDI:

- Cuale ise la cause pussibile dai miei disturbis?
- Varaio di fâ esams?
- Cemût puello curâmi? Ce gjenars di trataments sono?
- Cuâi sono i pericui, i beneficis e i efiets colaterâi des diviersis curis?
- Ce puello fâ par evitâ peioraments?

### PAR JESSI PLUI SIGÛR DI VÊ CAPÎT BEN, AL PODARÈS JESSII UTIL:

- tornâ a dî cu lis sôs peraulis ce che il miedi i à dit;
- scoltâ ce che al riferìs il miedi insieme cuntun familiâr o cuntune persone di fiducie;
- scrivi chel che i dîs il miedi.

### CHE AL CJAPI NOTE CULÌ SOT, PAR NO DISMENTEÂSI, DES DOMANDIS CHE AL STIME IMPUARTANTIS DI FÂ:

---

---

---

---

---

---

Otubar 2016

Par cure dal grup referents aziendâi "Handbook visite mediche".

I autôrs a declarin che lis informazions contignudis in cheste informative no àn sponsorizazions o conflits di interès.

Lis informazions contignudis no cjapin il puest dal rapuart miedi/infermîr e pazient.

Cheste informative e je stade sometude ae valutazion di associazions di volontariât.